



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-066-4/22**
Datum: **29.03.2022. godine**

«Agencija za vodno područje rijeke Save» rješavajući po zahtjevu Komunalnog javnog društva d.o.o. Maglaj za donošenje rješenja o vodnoj dozvoli za zahvatanje vode sa otvornog vodozahvata rijeke Bistrice a u svrhu vještačkog prihranjivanja podzemnih voda izvorišta «Misurići» koje se koristi za snabdijevanja pitkom vodom potrošača na području općine Maglaj, na osnovu člana 139. stav 1. tačka 1. u vezi sa tačkom 5. Zakona o vodama («Službene novine Federacije BiH», broj 70/06) i člana 200. stav 1. Zakona o upravnom postupku («Službene novine Federacije BiH» br. 2/98 i 48/99), donosi

RJEŠENJE **o vodnoj dozvoli**

1. Daje se vodna dozvola Komunalnom javnom društvu d.o.o. Maglaj, za zahvatanje vode sa otvorenog vodozahvata rijeke Bistrice, izgrađenog na zemljištu označenom kao k.č. broj 25 K.O. Ošve, općina Maglaj, a u svrhu vještačkog prihranjivanja podzemnih voda izvorišta «Misurići» koje se koristi za snabdijevanja pitkom vodom potrošača na području općine Maglaj.
2. Vodna dozvola se daje na osnovu dostavljene dokumentacije, utvrđenog činjeničnog stanja i uz sljedeće uslove:
 - 2.1. Da se predmetni objekti održavaju u funkcionalnom stanju u skladu sa njihovom namjenom i izdatim vodnim aktima i općim aktom o održavanju, korištenju i osmatranju vodnih objekata i postupanju u slučaju kvara ili havarije na objektima.
 - 2.2. Da se korisnik vodnih objekata brine o čuvanju vodnih objekata i uređaja na njima od slučajnog ili namjernog oštećenja ili uništenja.
 - 2.3. Da korisnik predmetnih objekata obezbijedi stalni i sistematski pregled vode od strane ovlaštene laboratorije, te poduzme sve potrebne mjere za osiguranje zdravstveno ispravne vode za piće.
 - 2.4. Da se u cilju kontrole, evidencije i plaćanja količina zahvaćene vode vrši mjerenje količina zahvaćene vode, a mjerni uređaj stalno održava u ispravnom stanju, odnosno redovno vrši baždarenje mjerača protoka u skladu sa propisima o mjernim uređajima. Evidenciju o mjerenjima zahvaćenih količina vode vršiti u skladu sa Pravilnikom o sadržaju i načinu vođenja evidencije i dostavljanje podataka o količinama zahvaćene vode («Službene novine Federacije BiH», broj 83/08).
 - 2.5. Da se na području vodozahvatne zone sprovode zaštitne mjere za izvorište, a po Odluci o zaštiti izvorišta vode za piće u slivu rijeke Bistrice, općina Maglaj broj: 02-05-1-854/19 od 29.04.2019. godine («Službene novine Općine Maglaj», broj 04/2019). Ova Odluka je bazirana na važećem Pravilniku o načinu utvrđivanja uslova za određivanje zona sanitarnе zaštite i zaštitnih mjera za izvorišta voda za javno vodosnabdijevanje («Službene novine Federacije BiH», broj 88/12).
3. Korisnik objekata treba da u cilju kontrole, evidencije i plaćanja količina zahvaćene vode vrši kontinuirano mjerenje količina zahvaćene vode i podatke o tim mjerenjima unosi u Knjigu evidencije o količinama zahvaćene vode. Korisnik objekata je obavezan vršiti plaćanje posebne vodne naknade u skladu sa članom 170. stav 1. tačka 1. alineja 1. Zakona o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada («Službene novine Federacije BiH», broj 92/07, 46/09, 79/11 i 88/12) i Odlukom o visini posebnih vodnih naknada («Službene novine Federacije BiH», broj 46/07, 10/14 i 03/16).
4. Korisnik objekata je obavezan da redovno plaća posebne vodne naknade za korištenje voda u skladu sa propisima.
5. Prava stečena po ovoj dozvoli ne mogu se prenositi na treća lica.

6. U ovoj upravnoj stvari plaćene su sve upravne takse.
7. Ova vodna dozvola, shodno članu 117. stav 1. Zakona o vodama se daje sa rokom važenja od 5 (pet) godina od dana pravosnažnosti ovog Rješenja.
8. Po isteku važenja ove vodne dozvole korisnik je dužan ovoj Agenciji podnijeti zahtjev za izdavanje nove vodne dozvole.
9. U periodu važenja ove dozvole korisnik iste je dužan provoditi sve mjere i aktivnosti propisane ovom dozvolom.
10. Ovo Rješenje može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Pravno lice, Komunalno javno društvo d.o.o. Maglaj, obratilo se ovoj Agenciji dana 14.02.2022. godine sa zahtjevom za izdavanje vodne dozvole za zahvatanje vode sa otvorenog vodozahvata rijeke Bistrice, izgrađenog na zemljištu označenom kao k.č. broj 25 K.O. Ošve, općina Maglaj, a u svrhu vještačkog prihranjivanja tijela podzemnih voda izvorišta «Misurići» koje se koristi za snabdijevanja pitkom vodom potrošača na području općine Maglaj.

U provedenom postupku dostavljena je i pregledana sljedeća dokumentacija:

- Ovjerena kopija Aktuelnog izvoda iz sudskog registra broj: 043-0-RegZ-21-001744 izdatog dana 24.06.2021. godine od strane Općinskog suda u Zenici,
- Ovjerena kopija Uvjerenja o poreznoj registraciji izdatog dana 07.03.2012. godine od strane Porezne uprave Federacije BiH – Kantonalni porezni ured Zenica,
- Kopija Uvjerenja o registraciji obveznika indirektnih poreza broj: 04/1-17-1-UPJR/1-277-2/13 izdatog dana 25.03.2013. godine od strane Uprave za indirektno-neizravno oporezivanje Banja Luka,
- Punomoć zastupnika podnosioca zahtjeva broj: 01-172/21 od 26.01.2021. godine,
- Kopija Odluke o vodovodu i kanalizaciji broj: 02-05-1771/03 donesene dana 30.12.2003. godine od strane Općinskog vijeća Maglaj («Službeni novine Općine Maglaj» broj: 09/03),
- Kopija Odluke o izmjeni Odluke o vodovodu i kanalizaciji broj: 02-05-1-1829/18 donesene dana 14.08.2018. godine od strane Općinskog vijeća Maglaj,
- Kopija Rešenja o vodnoj dozvoli broj: UP-I/25-3-40-112-3/17 izdatog 20.02.2017. godine od strane «Agencije za vodno područje rijeke Save» Sarajevo,
- Elaborat o zaštiti izvorišta vode za piće u slivu rijeke Bistrice, općina Maglaj urađen od strane «Zavod za vodoprivredu» d.d. Sarajevo, januar 2018. godine,
- Kopija Odluke o zaštiti izvorišta vode za piće u slivu rijeke Bistrice, općina Maglaj broj: 02-05-1-854/19 donesena dana 29.04.2019. godine od strane Općinskog vijeća Maglaj («Službene novine Općine Maglaj», broj 04/2019),
- Glavni projekat sanacije postojećeg izvorišta Misurići u Maglaju (Knjiga II) - privremeni zahvat na rijeci Bistrici sa objektima i dovodnim cjevovodom urađen 1982. godine od strane «Zavod za vodoprivredu» Sarajevo – na uvid,
- Glavni projekat postrojenja za kondicioniranje vode za piće za potrebe grada Maglaja urađen od strane «Hidra Consulting & Engineering Company» Sarajevo, januar-maj 1998. godine – na uvid,
- Glavni izvedbeni projekat filter stanica za kondicioniranje vode vode rijeke Bistrice, «Stilprojekt» Zavidovići, decembar 1997. godine,
- Opći akt o održavanju, korištenju i osmatranju vodnih objekta vodovodnog sistema Maglaj i postupanju u slučaju kvara ili havrije, mart 2021. godine,
- Kopija uplatnice upravne takse.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U skladu sa članom 12. stav (5) i (6) Pravilnika o sadržaju, obliku i uvjetima i načinu izdavanja i čuvanja vodnih akata («Službene novine Federacije BiH», broj 31/15, 55/19 i 41/20), izvršen je obilazak predmetnog vodozahvatnog objekta na rijeci Bistrici, općina Maglaj te je sačinjen zapisnik o izvršenom uviđaju broj: UP-1/21-3-40-066-3/22 od 15.03.2022. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

Izvorište Bistrica lociran je oko 1,3 km uzvodno od ušća Bistrice u rijeku Bosnu i oko 4,2 km od izvorišta Misurići. Vodozahvat je smješten ispod puta koji ide kanjonom rijeke Bistrica. Vodozahvatni objekat izveden je 1982. godine kao zahvat sa pregradom na otvorenom vodotoku - Tirolski prag, odnosno zahvatni armirano betonski prag 35 x 40 x 720cm u poprečnom profilu riječnog korita. Iz revizionog šahta voda se upušta u pjeskolov, koji je lociran oko 20-tak metara nizvodno od praga. Gravitacionim cjevovodom prečnika Ø 200 mm voda se transportuje do filter stanice Misurići gdje se vrši tretman. Ako je nakon tretmana voda zadovoljavajućeg kvaliteta ista se direktno pumpa u sabirni bazen $V=120m^3$ a ako kvalitet vode nije zadovoljavajući (visoka mutnoća i sl), voda se upušta u sistem objekata za vještačko prihranjivanje izvorišta Misurići. Mjerenje zahvaćenih količina se vrši na ulazu i izlazu iz filter stanice. Procijenjeni kapacitet izvorišta kreće se od 4 do 25 l/s. Kontrola kvaliteta zahvaćene vode vrši se redovno od strane ovlaštene laboratorije.

Za predmetno izvorište donesena je Odluka o zonama sanitarne zaštite izvorišta usaglašena sa Pravilnikom o načinu utvrđivanja uslova za određivanje zona sanitarne zaštite i zaštitnih mjera za izvorišta voda za javno vodosnabdijevanje («Službene novine Federacije BiH», broj 88/12).

Prva zaštitna zona izvorišta Bistrica u kojoj je lociran vodozahvatni objekat – Tirolski zahvat sa sabirnim objektom lociranim na desnoj obali rijeke Bistrice, je propisno ograđena i zaštićena od neovlaštenog pristupa a sve u skladu sa Odlukom o zaštiti izvorišta vode za piće u slivu rijeke Bistrice, općina Maglaj.

Podnosilac zahtjeva uplatio je posebne troškove prema Zaključku ove Agencije broj: UP-1/21-3-40-066-2/21 od 25.02.2022. godine.

Na osnovu provedenog postupka, a prema članu 17. stav 1. i 2. Zakona o vodama, u svrhu ostvarivanja prava na vodu drugim korisnicima kao i održivog korištenja voda, korisniku objekata Komunalno javno društvo d.o.o. Maglaj, ovom su vodnom dozvolom, u tački 2. dispozitiva rješenja, propisani uslovi korištenja objekata. Podnosilac zahtjeva, kao korisnik objekata obavezan je pridržavati se ravedenih uslova, u skladu sa članovima 48., 64., 66. i 116. Zakona o vodama i članovima 13. i 14. Pravilnika o sadržaju, obliku i uslovima i načinu izdavanja i čuvanja vodnih akata.

Tačka 3. dispozitiva Rješenja je propisana u skladu sa tačkama 4. i 27. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opće i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16) i Odlukom o visini posebnih vodnih naknada («Službene novine Federacije BiH», broj 46/07).

Konstatuje se da je podnosilac zahtjeva, Komunalno javno društvo d.o.o. Maglaj, ispunio minimum uslova za izdavanje vodne dozvole za zahvat vode sa otvorenog vodozahvata rijeke Bistrice, općina Maglaj a u svrhu vještačkog prihranjivanja podzemnih voda izvorišta «Misurići» koje se koristi za snabdijevanja pitkom vodom potrošača na području općine Maglaj, te je riješeno kao u dispozitivu ovog Rješenja.

Podnosilac zahtjeva je uplatio upravnu taksu u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10, 43/13 i 98/17).

Uputa o pravnom lijeku:


Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Obrađivač akta:

Nermina Hodžić, dipl.ing.građ.

Po ovlaštenju
Rukovodilac sektora za izdavanje vodnih
akata



Haris Ališehović, dipl.ing.građ.

Dostaviti:

- Komunalno javno društvo d.o.o. Maglaj
Ulica mladih br 4, 74250 Maglaj
- AVP, ISV – Vodna knjiga
- Sektor 50,
- Sektor 40, arhiva
- oglasna ploča – AVP Sava